

* * *

Այդ ինչ սրտամաշ տխրություն է քեզ
Պատել, հայրենի գեղեցիկ աշխարհ.
Մինչև երբ պիտի շարշարվես այդպես
Տառապանքներով, առանց մխիթար...

5 Իմ հայրենիքս տխուր է, տխուր...
Ուր աչք եմ դարձնում տխուր ավերակ,
Ամեն տեղ միայն, միայն ցավալուր
Հեծովթյան ձայներ, երկշոտ աղաղակ:

Թե երկրագործն է հորովել կանչում,
10 Թե մայրը որդուն օրորք է ասում,
Թե հովիվն իրան սրինգը հնչում,
Մի հուսակտուր հառաչք եմ լսում:

Աշխարհից, մարդուց հույսերը կտրած
Գանգատվում է նա, և ցավից տնքում,
15 Կյանքիցը զզված, սակայն դեռ չապրած,
Հանգիստ է խնդրում հեռու, երկնքում...

Մի՞թե տրամուկյան թախիծըն այդպես
Խեղդեց նրա մեջ ապրելու հույսը.
Մի՞թե այլևս նա չէ երգելու
20 Իրան պապերի երգած խրախույսը:

Մինչև երբ պիտի մարդիկ կատաղի
Արցունքովն հայի կերածը թրջեն,
Եվ երկար պիտի մեռելաթաղի
Տաղերով ազահ ցերեբներն շրջեն...

- 25 Մի՞թե դեռևս անսիրտ հագարը
Այն ավերակաց վերա պիտ իշխե,
Անարգե, պղծե մեր սուրբ տաճարը,
Անարժաններին շնորհներ բաշխե...

- Եվ չարագուշակ մտքերով հուզված
30 Քաշվում, մտնում եմ մի խաղաղ անկյուն,
Եվ երկար անշարժ ու խորասուզված
Հածում եմ նրա ցավերում անհուն:

- Ավելի խորը, ավելի հեռու
Միտքս ինձ առնում, թոցնում, տանում է.
35 Թռչում է հանկարծ մի ծանր հառաչանք
Եվ սիրտս կարծես հանգստանում է: